

ist halber Bruder und Schwester näher Erbe zu nehmen, denn voller Brüder und Schwester Kinder. Quibus iterum ius repraesentationis firmari defendant, quoniam fratrum ex utroque latere iunctorum liberi nullo nisi successionis vicariae iure vnnilaterales fratres sororesue defuncti excludere possint.

§. XXIX.

Rationes
negantium
enarrantur.
Quibus cal-
culus adii-
citur.

Verum non minus graues ac momentosae illis sunt rationes, qui in successione collateralium repraesentationem a iure Lubecensi aequa ac Saxonico esse alienam arbitrantur. Ipsem non inficiatur Meius, immane quantum ius Lubecense a iure diuersum esse Romano etiam eo, vt illud multo rigidius hoc in successionibus graduum propinquitatem obseruari praeceperit. Vid. Meius ad Ius Lub. P. II. Tit. II. art. 17. num. 3. Vnde iure Lubecensi regula sit constituta: Das nächste Blut nimmt das Gut. Vid. Idem ad Ius Lub. P. II. Tit. II. art. 1. num. 19. Deinde in statuti Lubecensis Part. II. Tituli II. articulo 1. omnes et singuli heredum ordines enumerantur, attamen successionis vicariae altissimum ibidem est silentium, neque de iure remotioris gradu a defuncto occupandi locum parentis, vt eodem, quo propinquior est, gradu potiatur, quidquam inuenitur dispositum. Conducit, opinor, omnino, verba articuli adscribantur: Wann einer stirbet, sein Gut, daß er nachläßet, das empfahen seine nächsten Erben oder Erbnehmen: Die ersten seynd des Menschen Kinder, Söhne und Töchter; Die anderen, Kindes-Kinder; Die dritten, Brüder und Schwestern, wann sie abgesondert seyn; Die vierdten Vater und Mutter; Die fünfftten, halbe Brüder und halbe Schwestern; die sechsten, Groß-Vater und Groß-Mutter; die siebenden, Vater- und Mutter-Brüder und Schwestern; die achtens derselben Kinder: hierinnen seynd beschlossen alle Erben und Erbnehmen. Quis non animaduertit hic expressam inter descendentes repraesentationis constitutionem, eiusdemque inter collaterales omis-